

汝陽縣志卷之九下

趙好德字秉彝汝陽人幼警敏能文章有經濟大


志元季汝穎兵起郡縣多陷沒好德謂其妻曰

今元運將終豪杰並起我觀東南有天子氣將

往從之遂灑泣以別自和陽渡江謁太祖於金

陵語合以儒士授峽州同知尋遷安慶知府傷

兵治其屹然江淮保障歷六年陞戶部侍郎明



年進吏部尚書嘗召與四輔官何顯周等至內
殿坐論治道上悅各賜錦衣一襲命工圖其像
梁銘汝陽人洪武末以父廕改補燕山前衛百
戶革除間北平被圍銘拒戰甚力以功歷陞後
軍都督僉事昭皇監國於南京坐事下獄已而
宥之命往廣東備倭昭皇卽位陞都督同知鎮
守寧夏封保定伯宣德元年從安遠侯柳升征
交趾卒於道子璫襲父爵

逸德山少負大志國初從征功陞管軍鎮撫癸卯
秋上討僞漢德山從戰鄱陽湖戊之甲辰夏上
舉報功典建忠臣祠同韓成等三十六人祀康
郎山贈武節將軍驍騎尉汝陽縣子

梁瑤銘子也數歲悼父客死不憚險遠奉喪歸
上念其功詔襲爵領五軍營正統間克副總兵
征鄧茂七事寧會湖貴苗蠻寇邊瑤佩平蠻將
軍印率四省師勦之擒僞苗王偉同烈披山通

道追奔大捷進攻零香寨誅賊首苗銀虎萬餘
又攻靖州東山口及龍家隘斬獲渠魁伍林仲
原數千級焚戰艦百餘艘於是閩越湖貴之地
悉平景泰三年封保定侯掌都督右軍府事天
順初山鎮陝西純皇卽位召還掌都督左軍府
事卒追封益國公諡襄靖子傳嗣子宗嗣子任
嗣子永福嗣子繼瑞嗣

馬鵬翼汝陽人國初從戎陝西時魏國公徐達北

征至陝聞太祖視師踰關東朝見鵬翼時隸行間太祖奇其狀貌命爲鞏昌知府

傅秉文汝陽輝亭人李思齊復汝寧得秉文咨畫獨多思齊以知府歷陝西平章秉文知慶陽洪武元年太祖手詔思齊弗果秉文勸其歸順授中書丞秉文移鳳翔庚戌以目疾乞骸骨歸卒年六十餘

貴茂字文實汝陽人父濟良國初醫懿文太子

疾愈太祖賜白馬金魚授太醫院判茂世其業
從英宗北征死土木之難景泰四年進迪功郎
子瑄嗣良醫孫仁進士江陰知縣儒絳州知州
胡 晦字大量劉安字世寧俱汝陽人正統三年
郡境旱民大饑兩人各捐稻麥千五百石助賑
事聞賜羊酒建坊旌之

房 安字子靜天姿穎異出語驚人弱冠賦鶴詩
自況年十九徵至京師太祖一見奇之擢北平

按察僉事陞江西按察使文皇卽位安與布政
使楊連僉事呂升並爲軍卒執上釋不誅謫戍
興州尋召爲監察御史遷福建左叅政蒞事嚴
敏嘗行縣貪墨吏望風遁去轉工部左侍郎數
日出爲山東右叅政同官魏瑛誣告誹謗下詔
獄關家謫戍交趾坐大辟會赦他罪覺并驗所
告安事非實得釋召還其家屬改四川右叅政
未幾復改交趾秩滿如京老最復任卒於官子

景啟易州學正景啟濠州學正

趙毅字孟宏汝陽人尚書好德子也博雅多才

凡六經子史天文歷數等書無不精詣善屬文
工草書頗有晉人風度隱於鶴莊與處士張一
中金子齡時相過從忘情勢利永樂初徵爲工
料給事中歷工部左侍郎太宗嘗召與語隨問
進規多見采納一日上召侍宴時盛暑亭午流
汗被褥即以手中扇賜之亡何以內艱歸起復

原官兼詹事府少詹事上欲作水牛流馬問羣
臣無應者毅獨得其法就便殿製之能行數步
上曰昔武侯因蜀道之難作今四海一統舟車
之便安用此爲并將其法納於內府八年奉使
交趾卒於途

劉喬永樂元年監生擢監察御史謫旗手衛經
歷改行人奉命使真臘國威儀簡重不辱王命
宣德四年遷宜賓知縣致仕

蘇景暘字顯道永樂間監生授廣東市舶司提舉
廉能著聞性溫善好絲音致仕歸惟古琴圖書
而已卒年七十有餘

趙寬字子裕毅次子天資穎秀博學善賦進士
拜御史按遼東湖廣風裁凜然宣德四年御製
雪詩廷臣賡和寬進四十首時掌院顧公合諸
御史詩就寬斤削七年卒於官子通進士通孫
繼勲進士宜興知縣

趙

敏字子聰毅四子少英卓善屬文工書翰初授兵部武選司主事正統九年王靖遠伯驥征麓川敏叅謀軍事賊平遷吏部驗封司郎中十四年英宗北狩敏扈從出居庸關八月十五日次土木郎山師潰不知車駕所在衆南奔敏曰君有難臣當誓死乃躍馬陷於陣中年五十二景泰元年贈奉直大夫子遵廕太學生泗州知州遠古府典簿遇成安訓導

强 宏字士容汝陽人天資明敏書過目輒成誦
登正統壬戌進士拜監察御史彈劾務存大體
不矯激以沽直會景皇帝命監京畿兵馬保障
山東紀律嚴明敵不敢逼陞山西僉事陝西副
使致仕歸闔門養重時論高之

楊 威字仲儀汝陽人父璽洪武間爲歸安令有

善政威生而穎異日記千言領景泰庚午鄉薦
授霸州訓導抵掌談世務切抱隱憂天順初陳

十事多見采納明年又上疏劾本州官寮貪庸
盜賊縱橫不能制遺禍將來當必不小侃侃干
百言不報後數十年大盜劉六等果起霸州卒

如所慮四年遷武勝教諭五年復上疏陳五事

其一論軍政謂補強敵於內地於計非是亦未

報書路雖其執直而識者題之九年遷永平

教授不赴歸年七十有一卒子元方榆次知縣

孫世祥嘉靖丙戌進士鄆門知縣

李 鼎 字 受 明 號 陽 人 父 緒 吉 安 府 通 判 以 故 得
從 楊 文 貞 公 游 博 極 羣 書 領 景 泰 癸 酉 鄉 薦 除
辰 州 同 知 城 麻 陽 黔 陽 兩 縣 民 不 知 擾 洞 苗 以
爭 田 相 讐 數 鬪 鼎 單 騎 詣 洞 片 言 解 之 苗 人 輟 服
競 奉 金 寶 爲 壽 悉 都 不 受 九 年 秩 滿 民 苗 交 奏
復 留 三 年 權 鎮 還 知 府 嘗 行 部 遇 虎 垂 色 滿 坐
了 無 畏 怖 虎 乃 去 亡 何 以 致 仕 歸 經 女 兒 淵 風
壽 暴 起 舟 且 覆 鼎 仰 天 祝 曰 爲 忠 官 不 敢 欺 天

閩人如有之天覆吾舟須臾風止抵家發篋惟
圖書數卷日以自娛雖饑粥不克怡如也所居
舍壞太守欲爲修葺不聽年八十卒子舉鄜
州知州

趙巡字惟時信之子也少警敏舉人授松江府
推官復除處州遷興國知州性清介以不賂當
道棄官歸囊橐如洗卒之日無以爲殮時稱廉
吏無忤於世家云曾孫汝思習源知縣

張

琳字叢玉父晟有隱德從上紫黃埠里徙郡

城南歲種瓜穆震上啖行道人不責報頗精二

氏言故門多長者舉七子琳奉父訓丞蒲州

補徐州再補濠州還湖州倖居六載求解職湖

州民遮道留不得歸里日以誦學課子爲務卒

年七十祀鄉賢弟瑞字仲玉令廣濟士民戴其

惠歸耕壠傍家始給卒年八十兄弟高尚汝人

以爲穆溪之報琳五子偉德州判官儼贈御史

俸清豐教諭儒中弘治壬子亞元精皇極數是
科試題預推得之因置一函戒家人勿泄及啟
緘果驗博綜捷悟汝人目爲才子臨卒妻孥環
泣爲門戶憂時惟怨在孕儒張目曰吾家業有
靈芝矣當無慮傅中正德丁卯經魁漢陽通判
五子皆登科

戴瑤字仲儀進士歷南京戶部郎曹務修舉出
守登州鋤疆植弱興舉廢墜建祠廟公宇民不